

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 10 » սեպտեմբերի 2020թ.

N 36/42

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակից Ա. Միմոնյանի կողմից 17.07.2020 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 48-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Պապին Սուրիկի Պողոսյանի կողմից Երևան քաղաքի Ն. Դուման փողոցի հ. 37/3 հասցեի հարակից տարածքում զավթվել է Երևան համայնքի սեփականությունը հանդիսացող հողամասը, առանց համապատասխան հողօգտագործման իրավունքի և թույլտվության իրականացվել է մետաղական ավտոտնակի տեղադրման և բետոն-ավազով ամրացման աշխատանքներ, որի վերաբերյալ 28.08.2020 թվականին կազմվել է վարչական իրավախախտման վերաբերյալ թիվ 035695 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում 03.08.2020 թվականին կայացած գործի քննությանը ներկայացել է քաղաքացի Պապին Սուրիկի Պողոսյանը (անձնագիր AN0531719, տրված 24.06.2013 թվականին, 001-ի կողմից): Վերջինս բացատրություն է տվել այն մասին, որ նկարներում պատկերվածը քննարկվող տարածքն է: Լուսանկարում պատկերվածն իր ավտոտնակն է: Տարածքում նախկինում գտնվող ավտոտնակների տեղը կառուցվել է խաղահրապարակ: Ավտոտնակը տեղադրված է 4 տարի: 2016 թվականին ավտոտնակը տեղադրված է եղել ծառերի տակ՝ պանելների վրա: Հետո այն տեղափոխվել է այլ ավտոտնակների հետևի մասը: Ընդունում է, որ ժամանակի ընթացքում տեղափոխելով ավտոտնակը տեղադրվել է նկարում պատկերված վայրում: Հիմա ավտոտնակը գտնվում է քննարկվող տարածքում: Կարող է ներկայացնել ապացույց՝ համապատասխան գրություն: Այդ հիմնավորմամբ քաղաքացի Պապին Սուրիկի Պողոսյանի կողմից միջնորդություն է ներկայացվել գործի քննությունը հետաձգելու մասին:

Քաղաքացի Պապին Սուրիկի Պողոսյանի կողմից ներկայացված միջնորդությունը բավարարվել է: Գործի քննությունը հետաձգվել և նշանակվել է 10.09.2020 թվականին ժամը 10:30-ին, որին ծանուցված լինելու վերաբերյալ քաղաքացի Պապին Սուրիկի Պողոսյանի կողմից գործի նյութերում կատարվել է համապատասխան գրառում:

Հարուցված վարչական վարույթի շրջանակներում գործի քննությանը մասնացել է նաև Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակից Ա. Միմոնյանը: Վերջինս բացատրություն է տվել այն մասին, որ տարածքում պարբերաբար իրականացրել են հսկողություն: Քաղաքացի Պապին Սուրիկի Պողոսյանի կողմից օգտագործվող ավտոտնակը նախկինում տեղադրված է եղել ավտոտնակների շարքում, այն տեղափոխվել և այժմ տեղադրված է լուսանկարներում պատկերված տարածքում՝ ծառերի տակ: Որպես իր բացատրության հավաստիության ապացույց արձանագրությանը կցվել են մի շարք լուսանկարներ, որոնք կատարվել են տարբեր ժամանակահատվածներում:

Վարչական իրավախախտման գործով հարուցված վարչական վարույթի շրջանակներում 10.08.2020 թվականին քաղաքացի Պապին Սուրիկի Պողոսյանը ներկայացավ և մասնակցեց գործի քննությանը:

Քաղաքացի Պապին Սուրիկի Պողոսյանը բացատրություն տվեց այն մասին, որ ավտոտնակն եղել է նույն տեղում: Այն տեղափոխվել է հարևանությամբ իրականացվող շինարարական աշխատանքները շարունակելու համար: Համաձայն չի կազմված արձանագրության հետ: Քաղաքացի Պապին Սուրիկի Պողոսյանի կողմից գործի քննությունն հետաձգելու հիմք հանդիսացած որևէ ապացույց չներկայացվեց: Քաղաքացի Պապին Սուրիկի Պողոսյանը կրկին պնդեց իր դիրքորոշումը, որը ներկայացրել էր վարույթի շրջանակներում:

Քաղաքացի Պապին Սուրիկի Պողոսյանի կողմից գործի քննությունն իրականացնող պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

Գործի քննության ընթացքում՝ որպես մեկ համակցություն, հետազոտվեցին արձանագրությունը, Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակիցների 28.08.2020 թվականի «Արձանագրություն» վերտառումով գրությունը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի, 06.08.2020 թվականի հ. 19/Ծ-206 և հ. 19/Ծ-240 ծանուցումները, 27.07.2020 թվականի հ. 19/13298 գրությունը, հ. 19/Գ-4164, 19/Գ-3181 գրությունները, Երևան քաղաքի Արարիկի վարչական շրջանի ղեկավարի 07.08.20230 թվականի հ. 25/01-20/76827, 27.07.2020 թվականի հ. 25/01-Գ-4164 գրությունները, 14.07.2020 թվականի հ. Գ-4164, 10.06.2020 թվականի հ. Գ-3181 դիմումները, ինչպես նաև քաղաքացի Պապին Սուրիկի Պողոսյանի և Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակից

Ա. Միմոնյանի կողմից տրված բացատրությունները, իրավախախտման լուսանկարները և գործում առկա տարածքին վերաբերելի այլ լուսանկարներ՝ կատարված տարբեր ժամանակահատվածներում:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Պապին Սուրիկի Պողոսյանի կողմից Երևան քաղաքի Ն. Դուման փողոցի հ. 37/3 հասցեի հարակից տարածքում, առանց համապատասխան հողօգտագործման իրավունքի և թույլտվության իրականացվել է մետաղական ավտոտնակի տեղադրման և բեռնե շաղախով ամրացման աշխատանքներ: Քննարկվող ավտոտնակը նախկինում տեղակայված վայրից՝ ավտոտնակների շարքից, քաղաքացի Պապին Սուրիկի Պողոսյանի կողմից տեղափոխվել է հարակից տարածքում գտնվող ծառերի տակ, որով ըստ էության քաղաքացի Պապին Սուրիկի Պողոսյանի կողմից զավթվել է Երևան համայնքի սեփականությունը հանդիսացող հողամասը: Վարչական իրավախախտման գործի քննության դրությամբ ավտոտնակը ապամոնտաժված չէ և հողագավթման հետևանքները վերացված չեն:

Քաղաքացի Պապին Սուրիկի Պողոսյանի կողմից թույլ է տրվել Օրենսգրքի 48-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոսնձգվող հակաիրավական, մեղավոր (դիտավորյալ կամ անգգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 48-րդ հոդվածի 1-ին մասի համաձայն՝ պետական և (կամ) համայնքային սեփականություն հանդիսացող հողամասերն ինքնակամ զավթելը և դրա հետևանքները չվերացնելը՝ առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 48-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1.Քաղաքացի Պապին Սուրիկի Պողոսյանին Օրենսգրքի 48-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 200.000 (երկու հարյուր հազար) ՀՀ դրամ գումարի չափով:

2.Նախազգուշացնել քաղաքացի Պապին Սուրիկի Պողոսյանին, որ համայնքային սեփականության հանդիսացող հողամասի զավթումը շարունակվելու և դրա հետևանքները չվերացնելու դեպքում այն կառաջացնի վարչական տույժ՝ 2.500.000 ՀՀ դրամ գումարի չափով:

3.Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

4.Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԻ ՊԵՏ՝



ԱՐԱՄ ԱԲՈՎՅԱՆ